



ZAPISNIK O RADU 41. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 01.04.2019. GODINE

Broj: 01-GV-02-432/19

Datum: 01.04.2019. godine

Prisutni:

1. Dr. Igor Gavrić, Predsjedavajući Gradskog vijeća
2. Edina Gabela, zamjenica Predsjedavajućeg Gradskog vijeća
3. Mira Jurić, zamjenica Predsjedavajućeg Gradskog vijeća
4. Prof. dr. Velija Katica, predsjedavajući Kluba gradskih vijećnika SDA
5. Miro Lazović, predsjedavajući Kluba gradskih vijećnika SDP-a
6. Mr. Tea Mušić, predsjedavajuća Kluba gradskih vijećnika SBB
7. Bajro Biber, predsjedavajući Kluba gradskih vijećnika BOSS - USD
8. Mr. Sead Srna, predsjedavajući Kluba gradskih vijećnika „ASA“
9. Samir Fazlić, predsjedavajući Kluba gradskih vijećnika Naše stranke
10. Lana Velić, zamjenica predsjedavajuće Kluba gradskih vijećnica DF - Omukić
11. Srđan Srdić, predsjedavajući Kluba samostalnih gradskih vijećnika Srdić - Stojnić
12. Safet Krajišnik, sekretar Gradskog vijeća

Odsutni:

Vedran Dodik, predsjedavajući Kluba gradskih vijećnika GRADANSKI SAVEZ – SAVEZ ZA STARI GRAD

Sjednici je prisustvovao mr. Abdulah Skaka, gradonačelnik Grada Sarajeva

Sjednici je prisustvovao Sanjin Smajlović, pravobranilac Grada Sarajeva

Sjednici je prisustvovala Maja Hadžihalilović, rukovodilac Stručne službe Gradonačelnika Grada Sarajeva

Sjednici je prisustvovala Dubravka Muminović Klašnja, šefica Odsjeka za kabinetske poslove u Gradskoj službi za Gradsko vijeće

Sjednici je prisustvovala Zinaida Beširević, šefica Odsjeka za stručne poslove u Gradskoj službi za Gradsko vijeće.

Predsjedavajući Gradskog vijeća Dr. Igor Gavrić je otvorio sjednicu, pozdravio prisutne i konstatovao kvorum za punovažan rad i odlučivanje.

Bez rasprave, na prijedlog Predsjedavajućeg Gradskog vijeća Dr. Igora Gavrića, **jednoglasno je usvojen** Zapisnik o radu 40. sjednice Kolegija Gradskog vijeća Grada Sarajeva održane 04.03.2019. godine.

Na prijedlog Predsjedavajućeg, **jednoglasno je usvojen** sljedeći **dnevni red**:

1. Priprema za održavanje 27. sjednice Gradskog vijeća Grada Sarajeva
2. Tekuća pitanja

Ad 1)

a) Termin održavanja sjednice i dinamika aktivnosti u pripremi 27. sjednice Gradskog vijeća

Bez rasprave, na prijedlog Predsjedavajućeg Gradskog vijeća Dr. Igora Gavrića **jednoglasno je usvojen** sljedeći **Zaključak**:

- 27. sjednica Gradskog vijeća održati će se u srijedu 24.04.2019. godine u Vijećnici, sa početkom u 10 sati,
- predlagači će materijale dostaviti Predsjedavajućem u srijedu 03.04.2019. godine do 12 sati,
- sjednice radnih tijela u pripremi ove sjednice će se održati u sedmici koja počinje s ponedjeljkom 08.04.2019. godine,
- pozivi gradskim vijećnicima će se uputiti najkasnije u utorak 16.04.2019. godine.

b) Praćenje realizacije Programa rada Gradskog vijeća Grada Sarajeva

Poslije rasprave, konstatovano je, odnosno zaključeno sljedeće:

Prijedlog Odluke o izmjenama i dopunama Odluke o izgradnji, rekonstrukciji i održavanju javnih česmi i fontana, javnih kupatila i javnih nužnika (*skraćeni postupak*), programiran za razmatranje u aprilu mjesecu, prema informaciji Gradonačelnika **nije spreman** i neće biti uvršten u prijedlog dnevnog reda 27. sjednice Gradskog vijeća.

Prijedlog Odluke o izmjenama i dopunama Odluke o postavljanju i održavanju javnih satova (*skraćeni postupak*), programiran za razmatranje u aprilu mjesecu, prema informaciji Gradonačelnika **nije spreman** i neće biti uvršten u prijedlog dnevnog reda 27. sjednice Gradskog vijeća.

Nacrt Odluke o usvajanju Regulacionog plana „Brdo Hrasno“ sa Odlukom o provođenju Regulacionog plana „Brdo Hrasno“, programiran za razmatranje u aprilu mjesecu, prema informaciji Gradonačelnika **nije spreman** i neće biti uvršten u prijedlog dnevnog reda 27. sjednice Gradskog vijeća.

Nacrt Odluke o usvajanju Regulacionog plana „Sarajevogas-Bosnalijek“ sa Odlukom o provođenju Regulacionog plana „Sarajevogas-Bosnalijek“, programiran za razmatranje u aprilu mjesecu, prema informaciji Gradonačelnika **nije spreman** i neće biti uvršten u prijedlog dnevnog reda 27. sjednice Gradskog vijeća.

Nacrt Programa podizanja spomenika Grada Sarajeva u 2019. godini, programiran za razmatranje u aprilu mjesecu, prema informaciji Gradonačelnika **spreman je** i bit će uvršten u prijedlog dnevnog reda 27. sjednice Gradskog vijeća.

Izvještaj o kulturnim manifestacijama od posebnog interesa za Grad Sarajevo u 2018. godini, programiran za razmatranje u aprilu mjesecu, prema informaciji Gradonačelnika **spreman je** i bit će uvršten u prijedlog dnevnog reda 27. sjednice Gradskog vijeća.

Izvještaj o realizaciji EYOF 2019., programiran za razmatranje u aprilu mjesecu, prema informaciji Gradonačelnika **spreman je** i bit će uvršten u prijedlog dnevnog reda 27. sjednice Gradskog vijeća.

Izvještaj o radu i poslovanju Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva “Sarajevo“ društvo sa ograničenom odgovornošću za 2018.godinu, programiran za razmatranje u aprilu

mjesecu, prema informaciji Gradonačelnika **spreman je** i bit će uvršten u prijedlog dnevnog reda 27. sjednice Gradskog vijeća.

Izvještaj o radu i poslovanju Javnog preduzeća "Olimpijski bazen Otoka" d.o.o. Sarajevo za 2018. godinu, programiran za razmatranje u aprilu mjesecu, prema informaciji Gradonačelnika **nije spreman** i neće biti uvršten u prijedlog dnevnog reda 27. sjednice Gradskog vijeća.

Izvještaj o radu i poslovanju Javne ustanove Muzej savremene umjetnosti „Ars Aevi“ Sarajevo za 2018. godinu, programiran za razmatranje u aprilu mjesecu, prema informaciji Gradonačelnika **spreman je** i bit će uvršten u prijedlog dnevnog reda 27. sjednice Gradskog vijeća.

Informacija o aktivnostima na realizaciji projekta „Trebevička žičara“, programirana za razmatranje u aprilu mjesecu, prema informaciji Gradonačelnika **nije spremna** i neće biti uvrštena u prijedlog dnevnog reda 27. sjednice Gradskog vijeća.

Informacija o stanju na području obnove, održavanja i funkcionisanja javnih šadrvana, fontana i drugih javnih česmi na području grada Sarajeva, programirana za razmatranje u aprilu mjesecu, prema informaciji Gradonačelnika **spremna je** i bit će uvrštena u prijedlog dnevnog reda 27. sjednice Gradskog vijeća.

c) Novi prijedlozi

Prijedlog Odluke o izmjenama i dopunama Odluke o pristupanju izradi Izmjena i dopuna Regulacionog plana „Gradski centar - Marijin Dvor“ za lokalitet Kvadrant „B“ prema informaciji Gradonačelnika **spreman je** i bit će uvršten u prijedlog dnevnog reda 27. sjednice Gradskog vijeća.

Prijedlog Odluke o pokretanju postupka prestanka Društva sa ograničenom odgovornošću za realizaciju aktivnosti održavanja Zimskog evropskog olimpijskog omladinskog festivala 2019. („EYOF 2019“ d.o.o.) (*skraćeni postupak*), programiran za razmatranje kad se steknu uslovi, prema informaciji Gradonačelnika **spreman je** i bit će uvršten u prijedlog dnevnog reda 27. sjednice Gradskog vijeća.

Prijedlog Odluke o davanju ovlaštenja za vršenje funkcije Predsjednika i dva člana Skupštine JP „Olimpijski bazen Otoka“ d.o.o. Sarajevo prema informaciji Gradonačelnika **spreman je** i bit će uvršten u prijedlog dnevnog reda 27. sjednice Gradskog vijeća.

Nacrt Odluke o uslovima i načinu dodjele „Šestoaprilske nagrade Grada Sarajeva“, prema informaciji Gradonačelnika **spreman je** i bit će uvršten u prijedlog dnevnog reda 27. sjednice Gradskog vijeća.

d) Mogući dnevni red 27. sjednice Gradskog vijeća

1. Prijedlog Odluke o izmjenama i dopunama Odluke o pristupanju izradi Izmjena i dopuna Regulacionog plana „Gradski centar - Marijin Dvor“ za lokalitet Kvadrant „B“
2. Prijedlog Odluke o davanju ovlaštenja za vršenje funkcije Predsjednika i dva člana Skupštine JP „Olimpijski bazen Otoka“ d.o.o. Sarajevo
3. Izvještaj o realizaciji EYOF 2019.
4. Prijedlog Odluke o pokretanju postupka prestanka Društva sa ograničenom odgovornošću za realizaciju aktivnosti održavanja Zimskog Evropskog olimpijskog omladinskog festivala 2019. („EYOF 2019“ d.o.o.)

5. Izvještaj o radu i poslovanju Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva "Sarajevo" društvo sa ograničenom odgovornošću za 2018.godinu
6. Izvještaj o radu i poslovanju Javne ustanove Muzej savremene umjetnosti „Ars Aevi“ Sarajevo za 2018. godinu
7. Izvještaj o kulturnim manifestacijama od posebnog interesa za Grad Sarajevo u 2018. godini
8. Nacrt Odluke o uslovima i načinu dodjele „Šestoaprilske nagrade Grada Sarajeva“
9. Nacrt Programa podizanja spomenika Grada Sarajeva u 2019. godini
10. Informacija o stanju na području obnove, održavanja i funkcionisanja javnih šadrvana, fontana i drugih javnih česmi na području grada Sarajeva
11. Vijećnička pitanja i inicijative

Obzirom da je Programom rada Gradskog vijeća Grada za 2019. godinu planirano da se na 27. sjednici Gradskog vijeća Grada Sarajeva razmatra Izvještaj o radu i poslovanju Javne ustanove Muzej savremene umjetnosti „Ars Aevi“ Sarajevo za 2018. godinu, Gradonačelnik je upoznao članove Kolegija Gradskog vijeća o problemima vezanim za izgradnju Muzeja ARS AEVI.

Ad 2)

Maja Hadžihalilović, rukovodilac Stručne službe Gradonačelnika Grada Sarajeva, je informisala članove Kolegija Gradskog vijeća da će se press-konferencija, vezano za obilježavanje 6. aprila - Dana Grada Sarajeva, održati u srijedu 03.04.2019. godine, u Vijećnici.

Predsjedavajući Gradskog vijeća dr. Igor Gavrić je upoznao članove Kolegija Gradskog vijeća da su klubovi vijećnika dostavili imena vijećnika koji će biti prisutni prilikom polaganja cvijeća, kao i da je Program obilježavanja 6. aprila - Dana Grada Sarajeva, dopunjen zaključcima Organizacionog Odbora za pripremu i realizaciju Programa obilježavanja Dana Grada Sarajeva u 2019. godini, dostavljen svim članovima Odbora.

Također je podsjetio na obavezan dress code na Svečanoj sjednici, te da će za gradske vijećnike u subotu 06.04.2019.godine biti obezbijeđen kombi ispred Gradske uprave u 8,00h, radi prijevoza na lokacije predviđene za polaganje cvijeća.

SEKRETAR GRADSKOG VIJEĆA
Safet Krajišnik, s.r.

PREDSJEDAVALJUĆI GRADSKOG VIJEĆA
Dr. Igor Gavrić, s.r.